

Bahagian 1:

Pasaran Niaga **Hadapan-** **bagaimana ia** **bermula?**

Ini adalah bahagian pertama siri artikel tentang perdagangan niaga hadapan, dibawa khas kepada anda oleh Bursa Malaysia Derivatives Berhad (BMD) dan OSK Investment Bank Berhad sempena kempen BMD 'Perbualan Niaga Hadapan' untuk mewujudkan kesedaran dan mendidik pelabur tentang dagangan derivatif.

Dalam abad ke-21, globalisasi menjadikan pasaran lebih mudah diakses oleh pelabur. Terdapat pelbagai cara seseorang boleh melabur. Sesetengah individu lebih cenderung dalam melaburkan portfolio mereka dalam ekuiti (saham) manakala sesetengah yang lain pula lebih cenderung kepada pelaburan dalam bon atau sekuriti pendapatan tetap. Dalam dunia yang saling berhubung, pelbagai kombinasi strategi boleh dilakukan termasuk melabur dalam pasaran niaga hadapan.

Pasaran niaga hadapan telah lama wujud sejak zaman Aristotle di mana beliau telah menulis tentang bagaimana seorang ahli falsafah miskin bernama *Thale* dari *Miletus* (turki) mencipta suatu "instrumen kewangan" yang melibatkan prinsip sejagat.

Thale terkenal dengan bakat beliau dalam ramalan tuaian zaitun. Keyakinan beliau telah mendorong beliau untuk mencapai persetujuan dengan pemilik-pemilik ladang zaitun tempatan untuk menyimpan wang beliau sebagai deposit, dengan syarat beliau diberi jaminan untuk menuai zaitun apabila tiba masanya.

Dengan adanya syarat tersebut, *Thale* akan mendapat harga yang rendah memandangkan tuaian hanya akan berlaku kelak dan tiada siapa mengetahui hasil tuaian. Pada masa yang sama, pemilik tempatan bersetuju dengan perjanjian tersebut kerana ianya melindungi kepentingan mereka sekiranya hasil tuaian tidak memberangsangkan.

Apabila musim tuaian tiba, permintaan terhadap zaitun telah bertambah. Oleh yang demikian, *Thale* telah memperolehi pendapatan

yang lumayan dengan menjual zaitun pada harga yang lebih tinggi. Kisah ini membuktikan bahawa aktiviti niaga hadapan telah wujud dahulu lagi.

Pada tahun 1864, Lembaga Perdagangan Chicago buat pertama kalinya, disenaraikan sebagai pusat pertukaran kontrak niaga hadapan. Ia bermula dengan dagangan bijirin niaga hadapan dan kemudiannya bertambah kepada pelbagai jenis komoditi lain.

Apakah sebenarnya pasaran niaga hadapan?

Pada masa kini, instrumen kewangan telah bertambah baik dan maju. Dagangan niaga hadapan adalah lebih menyeluruh berbanding zaman dahulu selaras dengan kemajuan teknologi dan perkembangan kompleks psikologi para pelabur.

Dengan penambahan jumlah perniagaan yang mengambil risiko tinggi dalam persekitaran ekonomi yang semakin kompetitif, niaga hadapan diperlukan dalam perniagaan untuk melindungi aset daripada risiko. Jika dibandingkan dalam nilai, pasaran derivatif adalah \$1,380 trilion pada tahun 2010

berbanding dengan ekonomi global bernilai kira-kira \$74.5 trilion pada tahun 2010.

Ini bermakna pasaran derivatif mempunyai lebih banyak peluang untuk diambil oleh pelabur. Dengan pasaran yang besar, kebarangkalian untuk memperolehi keuntungan dalam pelaburan seperti niaga hadapan adalah lebih tinggi berbanding kepada pelaburan lain yang tepu. Pada tahun 2010, kesemua 78 pusat pertukaran derivatif seluruh dunia mencatatkan jumlah perdagangan menjangkau nilai \$11 bilion.

Niaga hadapan dibahagikan kepada dua kategori iaitu niaga hadapan kewangan dan niaga hadapan komoditi. Dalam niaga hadapan kewangan, seseorang boleh berdagang produk berdasarkan kadar faedah seperti Niaga Hadapan Eurodollar; Niaga Hadapan Perbendaharaan Amerika Syarikat (bon perbendaharaan and bil perbendaharaan); Niaga Hadapan Hutang Kerajaan Asing; Niaga Hadapan Swap Kadar Faedah; Niaga Hadapan FOREX; Niaga Hadapan Saham dan Niaga Hadapan Indeks (Index S&P 500, Index Nasdaq-100, Niaga Hadapan Saham

Tunggal dan Niaga Hadapan Volatiliti).

Dalam niaga hadapan komoditi, seorang individu boleh memilih pelbagai produk berbeza, merangkumi Niaga Hadapan Metal seperti Emas and Perak; Niaga Hadapan Tenaga seperti minyak mentah dan gas asli; Niaga Hadapan agrikultur seperti jagung, soya, dan gandum; Niaga Hadapan produk ternakan dan juga Niaga Hadapan Produk Makanan seperti koko, kopi dan gula.

Walau bagaimanapun, sebelum seseorang bermula dalam pasaran niaga hadapan, adalah penting untuk mengetahui pengetahuan asas dan memahami cara pasaran ini berfungsi. Dalam bahagian seterusnya akan menyentuh tentang mekanisma niaga hadapan, pemain utama pasaran ini, serta peluang-peluang untuk menjana keuntungan.

Penidakan :

Artikel ini ditulis/disediakan oleh OSK Investment Bank Berhad dan ianya adalah untuk maklumat umum sahaja. Matlumat yang terkandung di sini bukanlah merupakan nasihat/cadangan undang-undang, kewangan, transaksi pelaburan dan/atau (mahupun) sebagai satu nasihat/cadangan pelaburan dan ianya tidak memberi sebarang cadangan atau sokongan terhadap perkhidmatan yang dinyatakan di sini. Pihak pembaca adalah dinasihatkan untuk mendapatkan pendapat yang berasingan sebelum membuat

sebarang transaksi pelaburan, penyenaraian dan/atau pelaburan. Walaupun segala langkah telah diambil untuk memastikan ketepatan maklumat yang terkandung di dalam artikel ini, OSK Investment Bank Berhad dan/atau (mahupun) Bursa Malaysia Berhad tidak menjamin atau mewakili, samada secara nyata mahupun tersirat ke atas ketepatan atau kesempurnaan segala maklumat yang terkandung di sini dan tiada dalam apa keadaan pun Bursa Malaysia Berhad dan/atau OSK Investment Bank Berhad akan bertanggungjawab kepada pembaca mahupun sesiapa diatas sebarang tuntutan, walaubagaimana berbangkit, daripada atau berhubung dengan artikel ini. Semua undang-undang terpakai, peraturan-peraturan dan kaedah-kaedah semasa Bursa Malaysia Berhad mestilah digunapakai bersama-sama dengan artikel ini."